

井也明曆三年正月朔甫菴語其友曰望氣有火災起于西北散于四方含生之類殆無存者夫天一生水地六成之地二生火天七成之蓋天生水以潤地地生火以報天也今地以人力通水而增地之陰天將假人力作火而增天之陽亂陰陽之紀乖生成之理其祥幾成不出于此月舉家歸鄉未二旬水果起人馬死十餘萬

小瀨甫菴名道喜上野人初事堀尾氏于出雲堀尾氏嗣絕去授易江都自號甫菴子著信長記太閤記為加賀侯博士

〔諸道勘文 四十五〕勘申坤方長星事○中

乙巳占圖云彗者彗之類偏指曰彗四指曰孛云々

今按孛彗之條其體相異歟

天官書曰孟康曰五星之精散為六十四變記不盡

天地瑞祥志云晉志曰彗星所謂掃星也本類星末類彗云々小者數寸長或竟天云々彗體无光傳日而為光故夕見則東指晨見則西指在南北皆隨日光而指也

薄讚經云荆州占云彗星者所謂掃星也五星逆錯變氣之所生也若芒氣四出曰孛皆本類星末類彗也

甘氏曰廼出彗本類彗末類彗云々

今按件星去四日昏見坤方長十許丈色白其本有星芒氣指東又五星之中辰星已伏孛見之處既

叶本條歟愚意之所及尤可謂彗星歟

右彗星形象大略勘申如件

長治三年正月 日

彗星事信俊長治三年

彗星昏見事

一彗孛之體并字意事

大外記中原略○中